

西康建省記

卷下

西遊記

卷一

中國藏學史料叢刊 第二輯

西康建省記 綫裝三冊一函

(清)傅高林撰

編輯 中國藏學研究中心

主編 多杰才旦

副主編 陳家璉
廖祖桂

責任編輯 張蜀華
王哲卿

出版 中國藏學出版社

印數 一—五〇〇

書號 ISBN 7-80057-004-5/K·1

定價 三十八元

附西康全省輿圖序

自龍馬負圖，備呈天地自然之象，伏羲因而則之，圖學由此而興焉。然圖之類亦多矣，究其用莫要於輿圖。周禮地官以天下土地之圖，周知九州之地域，廣輪之數。漢蕭何入秦先收圖書，具知天下隘塞，是山川道里皆於片紙載明也。中國幅幘宏廓，殊方異域，悉入版圖。而內地土宇，一省一郡一邑均各有圖。或藏諸內府，或載在方輿，足供稽考。惟茲西康，自漢以來，即通上國，以語文不同，政教未及，而酋長各分部落，且有野番錯居其間。曠古以來，無漢人周歷其境，雖自東至西，為入藏通

備，而人所知者，祇此一綫，以外則半屬貿然，輿圖故鮮。近年改流土司呼圖克圖，征服各處野番，收回賞藏之地，康境四至八到已為漢人歷徧。惜皆不諳測繪，於道途之曲直，江河之大小，能口言其勢，不能筆繪其形。邊務星使趙公先後委員測繪，或因歷險而墜死，或以阻雪而裹足，幾及三年，卒未成功。惟張君紹荃、張君穆軒、李君懷仁，居康數年，留心地理，各具輿圖半幅，茲取之而合為一。東自折多山起，西至丹達山止，南至雲南，北至青海，西南隅連英國之阿薩密及西藏之達布工布，西北隅包三十九族，接壤青海，東南隅與四川越嶲廳

寬甯縣鹽源縣及雲南之中甸廳昆連東北隅與四川
懋功廳松潘廳及甘肅交界疆域分明道路詳盡爰附
入記用備職方之參考。

壬子年九月古蘭傳嵩林序

註今無圖僅存此序錄以備查。

西康建省記卷下

番人姓氏記

考上古之姓氏，或以事，或以地，各有取義。太昊作網罟，以教民佃漁，即曰伏羲氏。炎帝作耒耜，以教民耕稼，即曰神農氏。黃帝生於軒轅之邱，即曰軒轅氏。長於姬水，故以姬為姓。顓頊國於高陽，即曰高陽氏。帝嚳封於高辛，即曰高辛氏。帝堯受封陶，又封唐，即曰陶唐氏，皆為黃帝之後，故同姓姬焉。厥後姓氏，或因生賜姓，胙土命氏，及以字以謚以官以邑，有封土者，以封土命氏，無封土者，以地居命氏，皆本古人之意也。西康番人，雖不知

姓氏而考其稱謂，姓雖無而氏則有。如德格土司則稱德格家，孔撒土司則稱孔撒家，頭人百姓亦以地居稱，遷居他處仍以原地居相稱，此與漢人之稱氏同義。至於命名，或以官，或以神，或以山川，或以草木禽獸，取其吉祥者而名之，亦與漢人之命名同情。惟地居之名相同者衆，命名之義雷同亦多，往往高曾之祖曾玄不知，亦不能辨族，故婚姻瀆焉。近年改流，邊務大臣趙爾豐每於設官處所議百字為姓，令民間將現在所知同宗之人共認一字，永遠為姓，番人之姓氏自此正。

西康醫藥記

人欲盡年，須療疾病，欲療疾病，則醫藥尚焉。溯自神農
察草木，作方書，中國醫藥之道立。人民宜之，已四千餘
祀矣。西康番人，有疾病，尚禱祈，或延喇嘛而誦梵經，或
入寺院而拜佛像，畫符以避邪祟，問卜以測死生，人人
皆然。亦間有番醫，而驗病之方，不察明堂，不究息脈，但
以病者之溺一盃，用木枝撓之，觀其顏色泡影而已。至
於用藥，其藥名與漢人不同，然亦不外草木鹿茸麝香
之類，仍有傳書，而用醫藥者少。光緒三十三年，邊務大
臣趙爾豐憫番人之病苦，兼之漢人軍民出關，醫藥不
便，故由川省購藥餌，延醫士，赴裏塘、巴塘、鹽井等處為

人療病，並延痘醫前往為人種痘。始而番人疑慮，繼則延醫服藥者絡繹不絕，乃奏明設局，廣延醫士，由公家給予薪水，於德格、登科、河口、稻城，凡改流之處，皆有醫士以療民病，西康醫藥由是盛行焉。

西康產藥列左

鹿茸

西康各處均產。

虎骨

西藏工布產。

麝香

同上。

花椒

巴塘、得榮產。

雪魚

西藏產。

桑皮

河口、巴塘產。

猴血

巴塘、鹽井、江卡產。

蘆朮子

巴塘、江卡產。

蟲草

裏塘、德格均產。

杏仁

巴塘、鹽井產。

貝母 德格、稻城均產。

東 西藏產。

黃連 桑昂、雜瑜均產。

人參果 德格、乍丫產。

大黃 裏塘、甘孜均產。

茜草 德格、乍丫產。

雪蓮花 乍丫產。

老鸛草 裏塘、大竹卡產。

紅花 西藏產。

青菓 西藏產。

薏仁 西藏產。

蜂蜜 三巖、巴塘產。

牛膝 巴塘產。

羌活 裏塘產。

兒茶 巴塘產。

雄黃 登科產。

紫草 巴塘、江卡產。

木瓜 乍丫、巴塘產。

酒 德格、巴塘造。

醋 巴塘造。

西康六畜記

周禮天官庖人掌共六畜，六畜六牲也。馬牛羊鷄犬豕等類，名曰六畜。西番人強半以畜牧為業，牛馬犬羊則皆畜之，其鷄與豕，惟甘孜、道塢、河口、裏塘、巴塘、江卡、乍丫、察木多等處駐台之漢人塘兵畜之。如德格、登科、白玉、稻城、石渠、雜瑜、桑昂各屬皆無也。

按番人畜馬，而騾則少，牛有耕牛、馱牛、毛牛之分，然皆黃牛，無水牛。羊則毛羊為多。蓋以牛羊其毛可織帷幙衣服，其肉可食，而牛乳所作之酥、油、奶餅亦可食，並能割取牛血而食之。

番人常以刀割牛肋取血而食，而牛仍生。惟每年只

取一牛皮可供用，羊皮可供衣，畜犬以守夜打獵，並畜貓以捕鼠焉。以鷄與豕無用，故不畜，亦不食其肉，近年改流，亦間有畜者。若鵝也，鴨也，番人不惟未畜，亦且聞所未聞。光緒三十四年秋，邊務大臣趙爾豐由雅州購鴨二十隻往巴塘喂養，已生卵抱子，後因不善養，於宣統二年均死焉。

西康鳥獸記

鳥獸之名，多識者鮮。雖二足而羽之謂禽，四足而毛之謂獸，見其形往往不識其名。況西康語文與漢人殊，而名稱各別，尤為難考。茲就所識者約略記之，其不識者

仍闢焉。

鳥類

鷹

即夷鴟也。古有夷氏之官，詩大雅，時維鷹揚，蓋征鳥也。西康各處均有。

鳥

禮月令仲春，鷹化為鳩，古司徒鳩之官，為祝鳩氏。詩召南，維鳩有巢，維鳩居之，蓋拙鳥也。西康各處均有。

鳧

家曰鴨，野曰鳧。詩鄭風，弋鳧與鴈，蓋水鳥也。乍丫、德格、巴塘均有。

鴈

鴛鴦也。禮月令孟春之月，鴻鴈來，蓋陽鳥也，各處均有之。

鴉

鳥也，純黑者曰烏，能知反哺也。腹白者曰鴉，不反哺。西康有純白者，如人死棄之於山，必先白鴉食其睛，

羣鴉乃食其肉。西康裏塘各處均有。

鷺

所木鳥，有大有小，有褐有斑，巴塘、鹽井有。

鴿

名鴿鴿，德格、巴塘、乍丫、察木多均有。



鵲 長尾尖嘴黑也，綠背白腹，喜鵲也。巴塘、德格各處皆有。

鸚鵡 能言鳥也，巴塘、鹽井均有。

鳳 土黃色，西康各處均有。

鸛 水鳥也。乍巴塘間有。

鵪 鳥鼠同穴，貢覺、三巖、巴塘、江卡均有。

雀 穿屋鳥也。巴塘、乍巴、石渠均有。

獸類

虎 工布、波密產。

熊 瞻對、德格、乍巴、裏塘均產。

豺 巴塘、裏塘、德格產。

鴿 鴿 巴塘、乍巴均有。

鴉 悍鳥也。巴塘、乍巴有。

雉 巴塘、德格有。

鷓鴣 即黃肚雀也，又名巧雀，又名鐵雀。巴塘、乍巴有。

燕 巴塘、乍巴都有。

豹 裏塘、三巖、德格均產。

狼 巴塘、三巖、裏塘均產。

鹿 西康各處均產。

麋

西康各處均產。

狐

西康各處均產。

狸

西康各處均產。

獺

巴塘、德格均產。

兕

石渠產，每隻重四五百斤。宣統元年，官兵以槍擊獲一隻。

猴

巴塘、鹽井產，并有背黑腹白者。光緒三十二年，鹽井委員，令土人捕獲一隻，送於邊務大臣。

兔

巴塘察木多均產。

麝

形似麝，食柏葉，臍有香，裏塘、瞻對均產。

鷲

野馬，石渠產，并有野驃，其形均與驃馬同，惟蹄稍異，但腰軟不能乘。宣統元年，曾經捕獲之。

獐

似豬而小，畜人名曰雪豬，皮可作褥，德格、登科產。

貓

捕田鼠之獸，俗名野貓。巴塘產。

羆

野羊也，德格、石渠產。

貉

似狸，銳頭尖鼻，斑色毛深。

鼠

鱗介昆蟲類

魚

德格、石渠、巴塘均產。

鱉

河口產。

螺 巴塘、河口、道場產。

螢 巴塘產。

蠅

巴塘、乍丫、鹽井、三巖、河口有，餘無。

蚊 巴塘、河口、道場、得榮有，餘無。

蜈

巴塘、乍丫、河口有。

蚤

巴塘、乍丫、河口、道場有。

蜂

巴塘三巖有。

蛛

巴塘、乍丫、道場、河口有。

蝦

蝦蟇也，巴塘、乍丫、鹽井、河口、道場各處均有。

西康草木記

易曰，天地變化草木蕃，至哉坤元，順承天而萬物資生，

天下何地而不產草木。或况西北多山，多山則草木宜。

西康在西，宜乎草木之遍野也。然有終年積雪，亂石差，

無草無木之處，有盛夏解凍，初秋結霜，曝少寒多，有草

無木之處，有斧斤旦旦而伐之，木已絕其根株，牛羊又